



Broj: 01/11-02-2955-1/23
Sarajevo, 21. 12. 2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priljeno: 09-01-2024			
Org. jed.	Broj	Priloga	Vrijednost

PREDSTAVNIČKOM DOMU
PARLAMENTA FEDERACIJE BIH

Komisija za lokalnu samoupravu Predstavničkog doma Parlamenta Federacije BiH (u daljem tekstu: Komisija), **na 1. vanrednoj sjednici, održanoj u četvrtak 21. 12. 2023. godine**, razmatrala je i usvojila sljedeći:

DNEVNI RED

1. Zahtjev za hitno djelovanje u cilju osiguranja poštivanja principa vladavine prava i pravne sigurnosti, principa Evropske povelje o lokalnoj samoupravi i Zakona o principima lokalne samouprave u Federaciji BiH, koji je uputio Savez općina i gradova u Federaciji BiH, broj: 01/11-0-837/23 od 21. 2. 2023. godine,
2. Tekuća pitanja.

Sjednici Komisije prisustvovao je dovoljan broj članova Komisije tako da su ispunjeni uslovi za punovažan rad u pogledu kvoruma i odlučivanja.

Na osnovu člana 44., a u vezi sa članom 67. Poslovnika Predstavničkog doma Parlamenta Federacije BiH, Komisija podnosi sljedeći:

IZVJEŠTAJ

Ad-1 Zahtjev za hitno djelovanje u cilju osiguranja poštivanja principa vladavine prava i pravne sigurnosti, principa Evropske povelje o lokalnoj samoupravi i Zakona o principima lokalne samouprave u Federaciji BiH, koji je uputio Savez općina i gradova u Federaciji BiH, broj: 01/11-0-837/23 od 21. 2. 2023. godine

Nakon uvodnog izlaganja po zahtjevu za hitno djelovanje u cilju osiguranja poštivanja principa vladavine prava i pravne sigurnosti, principa Evropske povelje o lokalnoj samoupravi i Zakona o principima lokalne samouprave u Federaciji BiH, koji je uputio Savez općina i gradova u Federaciji BiH, broj: 01/11-0-837/23 od 21. 2. 2023. godine, u ime Saveza općina i gradova u Federaciji BiH održale su predstavnice Selma Fišek i Adelina Džanković.



Nakon sveobuhvatne diskusije prisutnih članova Komisije, većinom glasova prihvatili su prijedlog zaključaka Saveza općina i gradova u Federaciji Bosne i Hercegovine uz dopune istih od strane članova Komisije.

Komisija za lokalnu samoupravu predlaže Predstavničkom domu Parlamenta Federacije BiH, sljedeće zaključke:

Zaključak 1.

Predstavnički dom Parlamenta Federacije Bosne i Hercegovine zadužuje Vladu Federacije Bosne i Hercegovine da pristupi usklađivanju člana 49. stav 4., člana 50. stav 3. i člana 52. stav 1. tačka (3) i (4) Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05) sa odredbama člana 15. Zakona o principima lokalne samouprave u Federaciji Bosne i Hercegovine („Službene novine FBiH“, br. 49/06 i 51/09) uvažavajući poseban karakter i prioritet Zakona o principima lokalne samouprave u Federaciji Bosne i Hercegovine u reguliranju pitanja koja se odnose na lokalnu samoupravu u Federaciji Bosne i Hercegovine.

Zaključak 2.

Predstavnički dom Parlamenta Federacije Bosne i Hercegovine zadužuje Vladu Federacije Bosne i Hercegovine da formira Radnu grupu i u nju uključi predstavnike Komisije za lokalnu samoupravu Predstavničkog doma PFBIH i Saveza općina i gradova u Federaciji Bosne i Hercegovine sa zadatkom utvrđivanja liste zakona sa federalnog nivoa koje je potrebno usaglasiti sa Zakonom o principima lokalne samouprave u Federaciji Bosne i Hercegovine („Sl. novine FBiH“, br. 49/06 i 51/09).

Objasnenje

Parlament Federacije Bosne i Hercegovine je usvajanjem Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05) u članu 52. stav 1. tačka (3) i (4) definisao da Pravilnik o unutrašnjoj organizaciji donosi općinski načelnik za općinske organe uprave i općinske upravne organizacije uz saglasnost općinskog vijeća, odnosno gradonačelnik za gradske organe uprave i gradske upravne organizacije uz saglasnost gradskog vijeća, ali je isto tako Parlament Federacije Bosne i Hercegovine usvajanjem Zakona o principima lokalne samouprave u Federaciji Bosne i Hercegovine („Službene novine FBiH“, br. 49/06 i 51/09), čiji je predlagač bila Komisija za lokalnu samoupravu, u članu 15.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES
Local Self-Government Committee

definisaio da načelnik, odnosno gradonačelnik u okvirima svoje nadležnosti, između ostalog, donosi pravilnik o unutrašnjoj organizaciji službi jedinice lokalne samouprave.

Federalno ministarstvo pravde je u svom mišljenju broj: 06-02-556/08 od 29.07.2008. godine navelo da se Zakon o principima lokalne samouprave u Federaciji Bosne i Hercegovine treba primijeniti „kao *lex specialis* jer se njime posebno regulišu nadležnosti izvršne i zakonodavne vlasti jedinica lokalne samouprave u odnosu na Zakon o organizaciji organa uprave u Federaciji Bosne i Hercegovine, kojim se regulira organizacija organa uprave općenito na svim razinama vlasti“.

Član 58. stav 2. Zakona o principima lokalne samouprave u Federaciji Bosne i Hercegovine („Službene novine FBiH“, br. 49/06 i 51/09) glasi:

„*Federacija BiH i kantoni dužni su uskladiti svoje zakone sa ovim Zakonom, te izvršiti prijenos poslova i nadležnosti, kao i odgovornosti dodijeljenih jedinicama lokalne samouprave ovim Zakonom u roku od šest mjeseci od dana njegovog stupanja na snagu.*“

Ad-2 Tekuća pitanja

Po ovoj tački dnevnog reda predsjednik Komisije za lokalnu samoupravu upoznao je članove Komisije s odgovorom FERK-a na zaključak Komisije.

U skladu sa članom 53. Poslovnika Predstavničkog doma za izvjestioca je određen, Salko Zildžić, predsjednik Komisije.

PREDSJEDNIK KOMISIJE
Salko Zildžić, s.r.